

MAJLIS CERAPAN HILAL RAMADHAN 1440 H NEGERI PERAK DARUL RIDZUAN

Majlis anjuran Jabatan Mufti Negeri Perak telah berlangsung pada 5 Mei 2019, bersamaan dengan 29 Syaaban 1440 H bertempat di Baitul Hilal, Pantai Pasir Panjang, Manjung Perak. Baitul Hilal Pasir Panjang merupakan salah satu dari dua puluh sembilan (29) lokasi tapak rasmi cerapan hilal yang telah diwartakan.

Majlis telah bermula sekitar jam 5.00 petang dengan sesi kuliah agama betajuk “Persediaan Ramadhan” serta penerangan “Kaedah Penentuan Awal Ramadhan” oleh Jabatan Mufti Negeri Perak. Majlis turut dihadiri oleh Orang Besar Daerah, Ahli Dewan Undangan Negeri, pegawai-pegawai Kerajaan serta pelajar-pelajar dan orang awam.

Pengesahan kenampakan rukyah hilal telah disempurnakan oleh Timbalan Mufti Negeri Perak, Ustaz Zamri Hashim dengan mengisytiharkan ianya tidak kelihatan. Seramai lima (5) orang warga INSTUN telah terlibat bersama-sama menyaksikan sesi Merukyah Hilal Ramadhan bagi tahun 2019 / 1440 H ini.





